

Харид комиссиясининг (22110006080023-сонли лот бўйича 2022 йил 2 июндаги баённома) қарорига мувофиқ, Ўзбекистон Республикаси Халқ таълими вазирлиги ҳузуридаги “Ўқув таълим-таъминот” давлат муассасасининг, кейинги ўринларда “Буюртмачи” деб юритилади, Устави асосида фаолият юритувчи директор Б.Исламов, бир томондан ва “POWER DREAM” ҚҚ МЧЖ, кейинги ўринларда “Ижрочи” деб юритилади, Устав асосида фаолият юритувчи директор Ж.Мамаджанов иккинчи томондан, шунингдек, шартномада “томон” сифатида алоҳида ва биргаликда “томонлар” деб юритилади, ушбу шартномани қуйида келтирилганлар бўйича туздилар:

### I. ШАРТНОМА ПРЕДМЕТИ

1.1. “Ижрочи” ушбу шартноманинг ажралмас қисми бўлган 1-иловага мувофиқ, “Товарлар”, миқдори ва бошқа хусусиятларига кўра, 2-иловадаги техник тавсифларга тўлиқ мос келадиган “Товарлар”ни 3-иловада кўрсатиб ўтилган манзилларга етказиб бериш мажбуриятини олади, “Буюртмачи” эса ушбу шартномада белгиланган шартларда ва муддатларда товарларни қабул қилиш ва ҳақини тўлаш мажбуриятини олади.

### II. ШАРТНОМАНИНГ УМУМИЙ МИҚДОРИ ВА ҲИСОБ-КИТОБ ТАРТИБИ

2.1. Мазкур шартнома бўйича “Ижрочи” томонидан етказиб бериладиган “Товар”нинг умумий миқдори, 15 фоиз 1 631 140 239,13 (бир миллиард олти юз ўттиз бир миллион бир юз қирқ минг икки юз ўттиз тўққиз) сўм 13 тийин қўшилган қиймат солиғи билан биргаликда қўшиб ҳисоблаганда 12 505 408 500,00 (ўн икки миллиард беш юз беш миллион тўрт юз саккиз минг беш юз) сўмни ташкил этади.

2.2. “Товарлар” учун ҳисоб-китоблар “Ижрочи”нинг банк ҳисоб рақамига пул маблағларини ўтказиш йўли билан нақд пулсиз ҳисоб-китоб қилиш орқали “Буюртмачи” томонидан амалга оширилади.

2.3. “Буюртмачи” ушбу шартнома имзоланган ва Молия вазирлиги Ғазначилигида рўйхатга олинган вақтдан бошлаб 15 (ўн беш) календар кун мобайнида шартнома умумий суммасининг 15 (ўн беш) фоизи миқдорида “Ижрочи”га аванс тўлов сифатида олдиндан тўловни амалга оширади, агарда “Ижрочи” томонидан ушбу шартноманинг 2.6. бандида кўрсатилган мажбуриятлар бажарилган бўлса.

“Ижрочи” томонидан Ўзбекистон Республикаси тижорат банкларининг шартномадаги мажбуриятларни кафолатлаш тўғрисидаги банк кафолати тақдим этилган ҳолатларда Вазирлар Маҳкамасининг 29.11.2021 йилдаги 716-сон қарорига мувофиқ, шартнома умумий суммасининг 50 (эллик) фоизи миқдорида “Буюртмачи” томонидан аванс тўлов сифатида олдиндан тўлов амалга оширилади.

2.4. Кейинги тўловлар “Буюртмачи” томонидан 2.3. бандга асосан тўланган аванс тўлов сифатида олдиндан тўлов суммасидан кам бўлмаган миқдордаги тугалланган товар партияси етказиб берилгандан ва шартноманинг 2.5. бандида белгиланган тегишли ҳужжатлар тақдим этилгандан сўнг 30 (ўттиз) календар кун ичида “Ижрочи”га тўлаб берилади.

2.5. “Товар”лар умумий миқдорининг қолган қисми “Ижрочи” томонидан товарлар тўлиқ етказиб берилгандан сўнг, тақдим этилган ва расмийлаштирилган ҳисоб-фактуралари, “Товар”ларни қабул қилиш далолатномалари ва (мутахассис) лаборатория ҳулосаларига мувофиқ 30 (ўттиз) календар кун ичида “Ижрочи” ҳисоб рақамига ўтказилади.

2.6. Тузилган шартнома бўйича мажбуриятларни бажариш кафолати сифатида “Ижрочи” “Буюртмачи”нинг махсус ҳисоб рақамига мазкур шартнома тузилганидан 5 (беш) банк иш кунидан кечикмасдан пул маблағлари кўринишидаги “Товар” умумий суммасининг 3 (уч) фоизи миқдоридаги кафолат суммасини ўтказиш мажбуриятини таъминлаши шарт.

Мазкур мажбурият “Ижрочи” томонидан бажарилмаган тақдирда “Буюртмачи” шартноманинг 2.3., 2.4. ва 2.5. бандларида белгиланган муддат ўтганидан қатъий назар

аванс тўлов сифатида олдиндан туловни ёки навбатдаги тўловни амалга оширмасликга ҳақли.

2.7. Кафолат миқдори “Ижрочи”га ушбу шартнома шартларига мувофиқ белгиланган муддатларда миқдор ва сифат бўйича “товарлар” тўлиқ етказиб берилганлигини тасдиқловчи ҳужжатлар тақдим этилганидан кейин қайтарилди.

2.8. “Ижрочи” ушбу шартномани имзолаш орқали кафолат суммаси қайтарилган пайтда кафолат миқдоридан пеня, жарима тўловлари ва “Буюртмачи”га етказилган зарар миқдорининг ушлаб қолиниши бўйича “Буюртмачи” сўзсиз ҳуқуққа эга эканлигини ўз розилиги билан тасдиқлайди.

Шунингдек, мазкур шартноманинг 2.3. бандида назарда тутилган банк кафолати тақдим этилган ҳолатларда “Ижрочи” томонидан мажбуриятлар ўз вақтида ва лозим даражада бажарилмаганда банк кафолатида белгиланган мажбуриятлар, тўловлар, пеня, жарима тўловлари ва “Буюртмачи”га етказилган зарар миқдори кафолатни тақдим этган тегишли банкдан талаб қилиб олинади.

### **III. ТОВАРЛАРНИ ЕТКАЗИБ БЕРИШ МУДДАТИ ВА ТАРТИБИ**

3.1. “Ижрочи” аванс тўлов сифатида олдиндан тўлов унинг ҳисоб рақамига тушган кундан бошлаб товарларни етказиб беришни бошлаш мажбуриятини олади.

Шунингдек, “Ижрочи” ушбу шартнома шартларига мувофиқ шартнома имзоланган пайтдан бошлаб “Товар”ни етказиб беришни бошлаш ҳуқуқига эга.

3.2. “Товар”ларни етказиб бериш - аванс тўлов сифатида олдиндан тўлов тўлаб берилган кундан бошлаб 60 (олтмиш) кун ичида амалга оширилади. Товарни етказиб беришнинг сўнгги муддати 60-(олтмишинчи) кун ҳисобланади.

3.3. “Ижрочи” “Буюртмачи”ни товарни етказиб беришга тайёрлиги тўғрисида камида 5 (беш) календар кун олдин хабардор қилади.

3.4. “Товар”ларни “Буюртмачи”га етказиб бериш (транспорт ва бошқалар орқали) “Ижрочи”нинг маблағлари ҳисобидан белгиланган манзилга олиб бориш орқали амалга оширилади.

### **IV. ТОВАР СИФАТИ ВА КАФОЛАТИ**

4.1. “Ижрочи” етказиб берилаётган товарларнинг харид ҳужжатларида белгиланган техник стандарт ва шартларга ҳамда мазкур шартнома шартларигага мос келишини кафолатлайди.

4.2. Товарнинг сифати ҳамда миқдори шартноманинг 5.2. бандига мувофиқ “Товар”ни етказиб бериш манзилида текширилади ва қабул қилиб олинади.

4.3. “Ижрочи” лот бўйича топширилаётган ҳар бир партияга (мажбурий сертификацияга тегишли товарлар) “Товар” номи ва миқдори кўрсатилган мувофиқлик сертификати ва санитария-эпидемиология хулосасини тақдим этиши шарт.

Етказиб бериладиган “Товар” техник шартларга мувофиқ ўралиши керак.

4.4. Мажбурий равишда, ҳар бир етказиб бериладиган товар ҳар бир товар учун техник топшириқ бўйича талаб қилинадиган белгига эга бўлиши керак.

4.5. “Ижрочи” шартномада келишилган товарлар учун 12 (ўн икки) ойлик кафолат муддатини тақдим этади. Кафолат муддатининг ўтиши товар қабул қилинган кундан бошлаб ҳисобланади.

4.6. Кафолат хизмати “Ижрочи” мутахассисининг товарнинг ўрнатилган (етказиб берилган) жойида алмаштириш ёки таъмирлаш йўли билан амалга оширилиши керак. Етказиб берилган товарнинг кафолат муддати давомида нуқсонли ёки носозлиги келиб чиққанда, “Ижрочи” 15 (ўн беш) кундан ортиқ бўлмаган муддатда уни алмаштириш ёки таъмирлаш мажбуриятини олади. “Ижрочи” “Буюртмачи”га республика ҳудудларига етказиб берилган товарларнинг кафолат хизматини бажарадиган ташкилий тузилмасини тақдим этиши керак.

“Ижрочи” кафолат муддати давомида товарларни алмаштириш ёки таъмирлаш мажбуриятини бажармаса, товар миқдорига тенг зарар пулини қоплаб беради.

4.7. Етказиб берувчининг ушбу Шартномада назарда тутилган кафолат мажбурияти харидор томонидан товарни нотўғри ишлатиш натижасида келиб чиқадиган нуқсонларга нисбатан қўлланилмайди.

## **V. ТОВАРЛАРНИ ҚАБУЛ ҚИЛИШ**

5.1. “Товар”ни қабул қилиш - “Буюртмачи”нинг “Ижрочи” вакиллари иштирокида тузилган қабул комиссияси томонидан шартномада “Товар”га қўйилган талаблар доирасида амалга оширилади.

5.2. “Товар”ни қабул қилиб олиш натижалари бўйича товарларни қабул қилиш далолатномаси расмийлаштирилади. Етказиб берилган товарларнинг ушбу шартнома шартларига мувофиқ эмаслиги аниқланган тақдирда, камчиликларни бартараф этиш тўғрисидаги далолатнома расмийлаштирилади ҳамда дарҳол “Ижрочи”га тақдим этилади.

“Ижрочи”нинг айби билан етказиб бериш вақтида “Товар”нинг бузилиши ёки йўқолиши учун “Ижрочи” жавобгар бўлади. Йўқотилган ёки бузилган “Товар”лар етказиб берувчининг ўрнига янги маҳсулотни тақдим этиши орқали ўз ҳисобидан қопланади.

5.3. “Ижрочи” аниқланган камчиликларни далолатномани олган кундан бошлаб 10 (ўн) кун ичида ўз маблағлари ҳисобидан бартараф этишга мажбурдир. “Товар”ларни қабул қилиб олиш муддати қабул қилиб олиш тўғрисидаги ёки камчиликлар бартараф этилганлиги тўғрисидаги далолатномага асосан юборилган ҳисоб-фактуралари асосида аниқланади.

## **VI. ТОМОНЛАРНИНГ МАЖБУРИЯТЛАРИ**

6.1. “Ижрочи” мажбур:

- ушбу шартнома имзоланган кундан бошлаб 5 (беш) банк куни ичида “Буюртмачи”нинг ҳисоб рақамига “Товар” умумий суммасининг 3 (уч) фоизи миқдорига кафолат суммасини ўтказишга;

- “Буюртмачи”ни товарни етказиб беришга тайёрлиги тўғрисида камида 5 (беш) календар кун олдин хабардор қилишга;

- “Буюртмачи”га “Товар”ни ушбу шартномада белгиланган шартларда ва муддатларда етказиб беришга;

- агар “Товар”ни етказиб бериш жараёнида белгиланган намунадагидан ва ушбу шартнома шартларида белгиланган талаблардан чекинишга йўл қўйган бўлса, “Буюртмачи”нинг талабига биноан 10 кунлик муддат ичида аниқланган барча камчиликларни бепул бартараф этишга;

- товарни унга тегишли бўлган жиҳозлари билан ва қонун ҳужжатларида назарда тутилган ҳужжатлар (сертификатлар ва х. к.) билан тақдим этишга;

- “Товар”нинг ундан фойдаланиш ва сақлаш вақтида техник шартларга мувофиқлигини кафолатлашга ва кафолат муддати давомида “Буюртмачи” томонидан аниқланган камчиликли маҳсулотларнинг нуқсонини бартараф этишга ва барча харажатларни ўз зиммасига олишга.

- ушбу шартномада белгиланган товарларнинг ўз муддатида ва тегишли техник стандартлар асосида етказиб берилишини мониторинг қилишда “Буюртмачи”га тўсқинлик қилмасликка;

- ушбу шартномада кўрсатилган шартнома мажбуриятларини бажаришга.

6.2. “Буюртмачи”:

- ушбу шартномада белгиланган муддатларда етказиб берилган товарларни қабул қилиш ва ўз вақтида тўловларни амалга ошириш;

## **VII. КОРРУПЦИЯГА ҚАРШИ ШАРТ**

7.1. Томонлар:

- Томонлар, уларнинг аффилианган (ўзаро боғланган) шахслари ва ходимлари, ушбу шартнома бўйича ўз мажбуриятларини бажаришлари давомида коррупцияга қарши курашиш соҳасидаги Ўзбекистон Республикасининг амалдаги қонун ҳужжатлари талабларининг бузилишига олиб келадиган ва/ёки коррупция характерида эга бўлган, шу жумладан (аммо бу билан чекланмай) пора бериш ёки беришни ваъда қилиш, таъмагирлик, пора олишга бевосита ёки билвосита рози бўлиш хатти-ҳаракатлари/ҳаракатсизликларини содир этмайдилар.

- Томонлар, уларнинг аффилианган (ўзаро боғланган) шахслари ва ходимлари бошқа Томоннинг ходимлари ёки ваколатланган вакиллари қандайдир тарзда рағбатлантиришдан,

шу жумладан пул суммалари, совғаларни тақдим этиш, уларнинг манзилига хизматларни беғараз кўрсатиш ёки бу ходим ёки ваколатланган вакил томонидан уни рағбатлантирувчи Томон фойдасига қандайдир хатти-ҳаракатларни/ҳаракатсизликлар бажарилишини таъминлашга қаратилган ишларни бажаришдан воз кечадилар деб маълум қиладилар.

7.2. Томонда ушбу шартноманинг 7.1-бандидаги талабларни бузиш содир этилганлиги ёки содир этилиши мумкинлиги тўғрисидаги шубҳалар юзага келган ҳолда, тегишли Томон бу ҳақда иккинчи Томонни хабардор қилиш, коррупция билан курашиш соҳасидаги Ўзбекистон Республикаси қонун ҳужжатларининг нормалари бузилганлиги фактининг рад этиб бўлмайдиган далиллари мавжуд бўлган ҳолда эса амалдаги қонун ҳужжатларида белгиланган тартибда ваколатланган органларни ҳам хабардор қилиш мажбуриятини ўз зиммасига олади.

### **VIII. ТОМОНЛАРНИНГ МУЛКИЙ ЖАВОБГАРЛИГИ ВА НИЗОЛАРНИ ХАЛ ҚИЛИШ ТАРТИБИ**

8.1. “Ижрочи” товарларни етказиб беришни кечиктирса ёки умуман етказиб бермаса, ҳар бир кечиктирилган кун учун мажбуриятнинг бажарилмаган қисми миқдорининг 0,5 % (фоизи) миқдорида пеня тўлайди, бироқ пенянинг умумий миқдори мажбуриятларнинг бажарилмаган қисмининг 50 % (фоизи) дан ошмаслиги керак. Пеня тўловларини тўлаш шартномавий мажбуриятларни бажаришдан озод қилмайди.

8.2. Агар етказиб берилган товарлар стандартларга, техник шартларга, харид савдоларида тақдим этилган наъмуналарга, сифат, ассортимент, нави жиҳатидан, қонунчиликда ёки ушбу шартномада ўрнатилган бошқа мажбурий шартларга жавоб бермаса, “Буюртмачи” “Товар”ни қабул қилишни ва ҳақини тўлашни рад қилишга ҳақли, бундай ҳолатда “Ижрочи” “Буюртмачи”га рад этилган товарлар қийматининг 20% миқдорида жарима тўлайди ва товарни харид савдоларида тақдим этилган намуналар ва сифат бўйича бошқа мажбурий шартларга жавоб берадиган товарга алмаштириши керак.

8.3. “Буюртмачи” етказиб берилган товарлар учун (расмийлаштирилган ҳисоб-фактуралари, “Товар”ларни қабул қилиш далолатномалари ва (мутахассис) лаборатория хулосаларига асосан) тўловни ўз вақтида амалга оширмаса, “Ижрочи”га кечиктирилган тўловнинг ҳар бир куни учун кечиктирилган тўлов суммасининг 0,4 % миқдорида пеня тўлайди, лекин пеня миқдори кечиктирилган тўлов суммасининг 50 % дан кўп бўлмаслиги лозим.

8.4. Ушбу шартномада назарда тутилган пеня ва жарима санкцияларидан ташқари, “Ижрочи”нинг шартномада белгиланган мажбуриятлари бажарилмаслиги оқибати шартнома бекор қилинганда ёки “Товар”ни етказиб бериш муддати бир ойга (30 кунга) кечиктирилганда кафолат суммаси “Ижрочи”га қайтарилмайди.

8.5. Етказиб берилган “Товар” учун тўловлар бюджетдан маблағлар ўз вақтида ажратилмаганлиги ёки “Буюртмачи”га тегишли бўлмаган бошқа сабабларга кўра ўз вақтида тўланмаслиги учун “Буюртмачи” жавобгар бўлмайди.

8.6. Ушбу шартнома ёки у билан боғлиқ ҳолда юзага келиши мумкин бўлган барча низолар ва келишмовчиликлар томонлар ўртасида музокаралар йўли билан ҳал этилади.

8.7. Агар томонлар ўзаро келишувга келишмаса, шартнома бўйича келиб чиқадиган барча низолар Тошкент туманлараро иқтисодий судида кўриб чиқилишига келишдилар.

### **IX. ФАВҚУЛОТДА ВАЗИЯТЛАР**

9.1. Ушбу шартномага асосан мажбуриятларни бажарилмаслиги ҳолатлари енгиб бўлмайдиган кучлар (форс-мажор) ҳолатлар натижасида вужудга келганда томонлар ўз мажбуриятларини бажармасликдан қисман ёки тўлиқ озод бўладилар.

9.2. Енгиб бўлмайдиган кучлар (форс-мажор) ҳолатларига томонларнинг иродаси ва фаолиятига боғлиқ бўлмаган табиат ҳодисалари (зилзила, кўчки, бўрон, қурғоқчилик ва бошқалар) ёки ижтимоий-иқтисодий ҳолатлар (уруш ҳолати, қамал, давлат манфаатларини кўзлаб импорт ва экспортни тақиқлаш ва бошқалар) сабабли юзага келган шароитларда томонларга қабул қилинган мажбуриятларни бажариш имконини бермайдиган фавқулодда, олдини олиб бўлмайдиган ва томонлардан бирининг мажбуриятларини бажарилишига таъсир килувчи кутилмаган ҳолатлар киради.

9.3. Томонлар фавкулотда вазиятлар ва уларнинг йўқотишларини тасдиқловчи хужжатларни талаб қилиши мумкин. Тегишли ваколатли орган томонидан берилган тегишли хужжат форс-мажор ҳолатларининг мавжудлиги ва давомийлигини етарли даражада тасдиқлайди.

9.4. Шартнома томонларидан қайси бири учун мажбуриятларни енгиб бўлмайдиган кучлар (форс-мажор) ҳолатлари сабабли бажармаслик маълум бўлса, дарҳол иккинчи томонга бу ҳақда 10 кун ичида ушбу ҳолатлар ҳаракати сабабини далиллар билан тақдим этиши лозим.

9.5. Шартномага асосан мажбуриятларни ижро қилиш муддати ушбу енгиб бўлмайдиган кучлар (форс-мажор) ҳолатлар давом этиш муддатига қадар узайтирилади. Агар енгиб бўлмайдиган кучлар (форс-мажор) таъсири 60 кундан ортиқроқ давом қилса, томонлар ташаббусига биноан шартнома бекор қилиниши мумкин.

## **Х. ШАРТНОМАНИНГ БОШҚА ШАРТЛАРИ**

10.1. Ушбу шартнома имзоланган ва Ўзбекистон Республикаси Молия вазирлиги Фазначилиги томонидан рўйхатга олинган кундан бошлаб кучга киради ва томонлар ушбу шартнома бўйича ўз мажбуриятларини бажаргунга қадар, 2022 йил 31 декабрдан кечиктирмасдан амал қилади.

10.2. Агар бир томон шартнома шартларини жиддий равишда бузган бўлса, ушбу шартнома томонларнинг келишуви билан ёки томонларнинг бирининг талабига биноан бир томонлама тартибда бекор қилиниши мумкин.

Шартнома шартларини жиддий равишда бузиш деб махсулотларни етказиб бериш учун белгиланган муддатни бир ойдан (30 кундан) ортиқ муддатга бузилиши ҳамда умумий товарнинг 20 %дан ортигини белгиланган техник талабларга жавоб бермайдиган ҳолатда топшириш ҳисобланади.

10.3. Бир тараф шартномани ўзгартириш ёки бекор қилиш ҳақидаги таклифга иккинчи тарафдан рад жавоби олганидан кейингина ёки таклиф юборилганидан кейинги 5 (беш) кунлик муддатда жавоб олмаганидан кейин, шартномани ўзгартириш ёки бекор қилиш ҳақидаги талабни судга тақдим этиши мумкин.

10.4. Ҳеч бир томон ушбу Шартнома бўйича ўз ҳуқуқ ва мажбуриятларини бошқа томоннинг олдиндан ёзма розилигисиз учинчи шахсларга ўтказишга ҳақли эмас.

10.5. Ушбу шартномада назарда тутилмаган ҳолатлар Ўзбекистон Республикасининг амалдаги қонунчилик хужжатлари билан тартибга солинади.

10.6. Ушбу шартномага киритилган ҳар қандай ўзгартириш, қўшимчалар ва иловалар фақат ёзма равишда тузилган ва ҳар икки томон томонидан имзоланган ва муҳрланган тақдирда ҳақиқий ҳисобланади.

10.7. Ушбу шартнома иккита ҳақиқий нусхада тузилган.

## **ТОМОНЛАРНИНГ ЮРИДИК МАНЗИЛЛАРИ ВА БАНК РЕКВИЗИТЛАРИ:**

### **“БУЮРТМАЧИ”**

#### **“Ўқув таълим-таъминот” ДМ**

Манзил: Тошкент шаҳар, Юнусобод тумани, 13-мавзе, 49Б-уй.  
Х/р (ғазна) 100010860262697092100075001  
Банк: “Ипотека банк” АТИБ Меҳнат ф-ли  
Кафолат маблағларини қабул қилиш махсус  
х/р: 20210 000 7 00101561 002  
МФО: 00423, СТИР: 200524742  
Тел.: +998 (55) 501-33-53

Директор

Б.Исламов




### **“ИЖРОЧИ”**

#### **“POWER DREAM” ҚҚ МЧЖ**

Манзил: Тошкент шаҳар, Яшнобод тумани, Элбек кўчаси, 61-уй.  
Х/р: 2021 4000 6051 2868 1001  
Банк: ЧЭКИ “INVEST FINANCE BANK” АТ банки  
МФО: 01041, СТИР: 306 754 085  
ОКЭД: 13960  
Тел: +998 90 177-09-12

Директор

Ж.Мамаджанов



2022 йил " 6 " июн даги  
 1122-МСТ -сон шартномага  
 1-илова

Ўзбекистон Республикасидаги умумтаълим мактаблари учун харид қилинаётган техник воситалар рўйхати ва уларнинг миқдори

№	Жихозлар ва синф хоналар номи	Ўлчов бирлиги	Сони	Нархи	Суммаси	Шундан ҳудудлар бўйича:												
						Қорақалпоғистон Республикаси	Андижон вилояти	Бухоро вилояти	Жиззах вилояти	Қашқадарё вилояти	Навоний вилояти	Наманган вилояти	Самарқанд вилояти	Сурхондарё вилояти	Сирдарё вилояти	Тошкент вилояти	Фарғона вилояти	Хоразм вилояти
	<b>Жами:</b>				12 505 408 500,00													
1	Принтер (Принтер/сканер/копия, черно-белый лазерный /А4/38 в./мин.)	дона	1 014	4 808 000,00	4 875 312 000,00	55	65	17	125	198	5	49	96	146	59	62	52	85
2	Свитч (24 портовый свитч (коммутатор) Gigabit Ethernet)	дона	1 014	845 000,00	856 830 000,00	55	65	17	125	198	5	49	96	146	59	62	52	85
3	Стабилизатор (10000VA, 220 ± 3%)	дона	1 014	2 485 000,00	2 519 790 000,00	55	65	17	125	198	5	49	96	146	59	62	52	85
4	Сетевой кабель (Cat.5E (по 300 метров на 1014 классов))	метр	304 200	2 900,00	882 180 000,00	16 500	19 500	5 100	37 500	59 400	1 500	14 700	28 800	43 800	17 700	18 600	15 600	25 500
5	Телекоммуни-кационный шкаф (19" 6U)	дона	1 014	876 000,00	888 264 000,00	55	65	17	125	198	5	49	96	146	59	62	52	85
6	Коннектор (RJ-45 (по 25 на 1014 классов))	дона	25 350	550,00	13 942 500,00	1 375	1 625	425	3 125	4 950	125	1 225	2 400	3 650	1 475	1 550	1 300	2 125
7	Сетевой фильтр (3 метровый, не менее 3 розеток (по 9 шт. на 1014 классов))	дона	9 126	115 000,00	1 049 490 000,00	495	585	153	1 125	1 782	45	441	864	1 314	531	558	468	765
8	Короб (60*40 (по 100 метров на 1014 классов))	метр	101 400	14 000,00	1 419 600 000,00	5 500	6 500	1 700	12 500	19 800	500	4 900	9 600	14 600	5 900	6 200	5 200	8 500



Б.Исламов



Ж.Мамаджанов

## ТЕХНИЧЕСКАЯ ЧАСТЬ

### Минимальных технических описаний для поставки компьютерного оборудования в учреждениях народного образования Республики Узбекистан

№	Наименование оборудования	Ед. изм.	Кол-во	Технические требования
1	Принтер	шт	1 014	Принтер/сканер/ копия, черно-белый лазерный /А4/38 в./мин.
2	Свитч	шт	1 014	24 портовый свитч (коммутатор), Gigabit Ethernet.
3	Стабилизатор	шт	1 014	10000VA, 220 ± 3%.
4	Сетевой кабель	метр	304 200	Cat.5E (по 300 метров на 1014 классов)
5	Телекоммуни- кационный шкаф	шт	1 014	19" 6U
6	Коннектор	шт	25 350	RJ-45 (по 25 на 1014 классов)
7	Сетевой фильтр	шт	9 126	3 метровый, не менее 3 розеток (по 9 шт. на 1014 классов)
8	Короб	метр	101 400	60*40 (по 100 метров на 1014 классов)

Победитель тендера предлагает гарантийный срок в 12 (двенадцать) месяцев на товары, согласно договору. Истечение гарантийного срока исчисляется с даты получения товара.

Гарантийное обслуживание должно осуществляться путем замены или ремонта по месту установки (доставки) товара со стороны специалистов победителя тендера. В случае дефекта или неисправности поставленного товара в течение гарантийного срока победитель тендера обязан заменить или отремонтировать его в течение не более 15 (пятнадцати) дней. Победитель может предоставить организационную структуру, которая осуществляет гарантийное обслуживание товаров, доставляемых в регионы Республики Узбекистан.

Победитель обязан возместить сумму ущерба, равную сумме товара, если в течение гарантийного срока он не выполнит обязательство по замене или ремонту товара.

БУЮРТМАЧИ

«Ўқув таълим-таъминот» ДМ



Б.Исламов

ИЖРОЧИ

«POWER DREAM» ҚҚ МЧЖ



Ж.Мамаджанов

2022 йил "6" июн даги  
1122-МД1 -сонли шартномага  
3-илова

### Етказиб бериш манзиллари


№	Худуд номи	Манзили
1	Қорақалпоқистон Республикаси	Тахияташ шаҳри, Гидроузел кўчаси, 4-уй
2	Андижон вилояти	Андижон шаҳри, Чинобод кўчаси, 10-уй
3	Бухоро вилояти	Бухоро шаҳри, Афросиёб кўчаси, 7/3-уй
4	Жиззах вилояти	Жиззах шаҳри, "Раволлик" маҳалласи, М.Ашуров кўчаси, 4-уй
5	Қашқадарё вилояти	Қарши шаҳри, "Шайхали" маҳалласи, Олтин бошоқ кўчаси, 1-уй
6	Навоий вилояти	Навоий шаҳри, Аль-Бухори кўчаси, 2а-уй
7	Наманган вилояти	Наманган шаҳри, Мингчинор мавзеси, Завкий кўчаси, 1а-уй
8	Самарқанд вилояти	Самарқанд вилояти, Спитамен шох кўчаси, 274а-уй
9	Сурхандарё вилояти	Термез шаҳри, Т.Мирзаев кўчаси, 55-уй
10	Сырдарё вилояти	Гулистон тумани, "Оқ олтин" маҳалласи, А.Абдуллаев кўчаси, 75-уй.
11	Тошкент вилояти	Қибрай тумани, Марказий кўчаси, "Матқобилов" ҚФЙ, Дурмон қишлоғи
12	Фарғона вилояти	Фарғона шаҳри, Тантана кўчаси, 6-уй
13	Хоразм вилояти	Урганч шаҳри, Ханка 4 берк кўчаси, 154а-уй
14	Тошкент шаҳри	Учтепа тумани, Х.Ғофуров кўчаси, 14-уй

**БУЮРТМАЧИ**

«Ўқув таълим-таъминот» ДМ



Б.Исламов



ИЖРОЧИ  
«POWER DREAM» ҚК МЧЖ

Ж.Мамаджанов



O'zbekiston Respublikasi  
Toshkent shahar  
“ JUSTICE ”  
advokatlik firmasi



Республика Узбекистан  
город Ташкент  
Адвокатское фирма  
“JUSTICE”

Тошкент ш. – 700084, Учтепа тумани, 11 даха, 34 уй, 14 хонадон тел: +998 90 606 94 44  
Х/р 20208000904999450001 ОПЕРУ ЧОАББ «Трастбанк»,  
МФО 00491, СТИР 207160986 ХХТУТ 97820

“ Об ” “ Лионь ” 2022 йил

Тошкент шаҳри

“JUSTICE” адвокатлик фирмаси  
адвокати Рахимов Дилшод Саидович  
Лицензия раками: SA 000500; гувоҳнома  
раками №2598 томонидан

*“Ўқув таълим-таъминот” давлат унитар корхонаси ва Тошкент шаҳри  
“POWER DREAM” кўшма корхонаси маъсулияти чекланган жамияти ўртасида  
06.06.2022 йилдаги 1/22-MD1-сонли “Товар етказиб бериш”  
Шартномаси(КОНТРАКТ)га*

### ЮРИДИК ХУЛОСА

“Ўқув таълим-таъминот” давлат унитар корхонаси ва Тошкент шаҳри  
“POWER DREAM” кўшма корхонаси маъсулияти чекланган жамияти ўртасида  
06.06.2022 йилдаги 1/22-MD1-сонли “Товар етказиб бериш”  
Шартномаси(КОНТРАКТ) Ўзбекистон Республикасининг Фуқаролик Кодекси  
ва 1998 йил 29 августдаги “Хўжалик юритувчи субъектлар фаолиятининг  
шартномавий-ҳуқуқий базаси тўғрисида”ги қонун талаблари асосида тузилган.

Хўжалик Шартномаси(КОНТРАКТ)да кўрсатилган муносабатлар  
Фуқаролик Кодекси ва 1998 йил 29 августдаги “Хўжалик юритувчи субъектлар  
фаолиятининг шартномавий-ҳуқуқий базаси тўғрисида”ги қонунчилик  
ҳужжатлари билан тартибга солинган.

Хўжалик Шартномаси(КОНТРАКТ) шартлари Ўзбекистон Республикаси  
амалдаги қонунчилик талабларига мос келади.

Шартномани ҳуқуқий-экспертизадан ўтказиш натижасида қўйидагилар  
аниқланди. Мазкур шартномада назарда тутилган фуқаролик-ҳуқуқий  
муносабатлар Ўзбекистон Республикаси Фуқаролик кодексининг 353-385, 437-  
464-моддалари ва бошқа тегишли моддалари, Ўзбекистон Республикаси  
“Хўжалик юритувчи субъектлар фаолиятининг шартномавий-ҳуқуқий базаси  
тўғрисида”ги Қонуни, “Давлат харидлари тўғрисида”ги Қонун ва тегишли  
қонунчилик ҳужжатлари билан тартибга солинади.

Мазкур шартнома шартлари амалдаги қонунчилик шартлари талабларига  
тулик мос келади ҳамда томонлар ўртасида ўзаро келишувга кўра

белгиланган, Шартномада томонларнинг ҳуқуқ ва мажбуриятлари амалдаги қонунчиликка мувофиқ ҳолда белгиланган бўлиб, унинг тузилишида шартнома тузиш эркинлиги принципига амал қилинган.

Шартномада тарафларнинг жавобгарлик масаласи Фуқаролик кодекснинг 324-339-моддалари ҳамда Ўзбекистон Республикаси “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги Қонунининг 24-34-моддаларига мувофиқ белгиланган бўлиб, шартнома шартлари бажарилмаганлиги учун томонларнинг мулкӣ жавобгарлиги белгиланган.

Тарафларнинг жавобгарлиги меъёри ва низоларни ҳал этиш тартиби 1998 йил 29 августдаги “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги қонун талабларига мос келади.

**Адвокат**

Лицензия рақами: SA № 000500;  
Гувоҳнома рақами: № 2598.  
Тел. рақам: +998(90)606-94-44



Д.С.Рахимов